



1913-yil aprel oyidan chiqib boshlagan

Fidoyilik —
Vatanga xizmat demak!

2024-yil 17-oktabr, payshanba,
120 (23.997)-son

Zarafshon

Oliy Majlis
Qonunchilik
palatasi va
mahalliy
Kengashlar
deputatlari
sayloviga
9 KUN
qoldi



www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

AZIZ VATANDOSHLAR! SAYLASH HUQUQINGIZDAN FOYDALANING!

Samarqand viloyati hokimining QARORI

Xalq deputatlari viloyat Kengashining oltinchi chaqiriq bir yuz to'rtinchi sessiyasini chaqirish to'g'risida

"Mahalliy davlat hokimiyati to'g'risida"gi O'zbekiston Respublikasi Qonunining 17-moddasiga asosan QAROR QILAMAN:

- Xalq deputatlari viloyat Kengashining oltinchi chaqiriq bir yuz to'rtinchi sessiyasi **2024-yil 23-oktabr kuni** chaqirilsin.
- Sessiya kun tartibiga quyidagi masalalar kiritilsin:
 - viloyat avtomobil yo'llari bosh boshqarmasi boshlig'i Axat O'roqovning O'zbekiston Respublikasi Prezidentining 2022-yil 4-apreldagi "Avtomobil yo'llarida inson xavfsizligini ishonchli ta'minlash va o'lim holatlarini keskin kamaytirish chora-tadbirlari to'g'risida"gi PQ-190-son qarorining viloyatdagi ijrosi yuzasidan hisoboti;
 - O'zbekiston Respublikasi Prezidentining 2024-yil 9-yanvardagi "2024-yilda yangi ish o'rinlarini tashkil etish va aholi bandligiga ko'maklashish dasturi to'g'risida"gi PQ-7-son qarori ijrosi yuzasidan viloyat kambag'allikni qisqartirish va bandlik bosh boshqarmasi boshlig'i Temur Mahmudovning hisoboti to'g'risida;
 - jamoat ehtiyojlari uchun yer uchastkalarining olib qo'yilishiga ruxsat berish to'g'risida;
 - jamoat ehtiyojlari uchun yer uchastkasini olib qo'yish bo'yicha taqdimot materiallarini ko'rib chiqish va mulkdorlar bilan ochiq muhokama o'tkazishga ruxsat berish to'g'risida;
 - xalq deputatlari viloyat Kengashining 2023-yil 27-dekabrda "Samarqand viloyatining 2024-yilgi mahalliy budjetini tasdiqlash to'g'risida"gi VI-94-126-7-0-K/23-son qaroriga qo'shimcha va o'zgartirishlar kiritish to'g'risida;
 - "O'zbektelekom" AKning mobil va simli ma'lumotlarni uzatish tarmoqlarini rivojlantirish loyihasi doirasida telekommunikatsiya infratuzilmasini Samarqand viloyatida yanada rivojlantirish bo'yicha ishlab chiqilgan loyiha konsepsiyasini kelishish to'g'risida;
 - xalq deputatlari viloyat Kengashining 2024-yil 24-sentabrda "Viloyat mahalliy budjetining qo'shimcha manbalaridan foydalanish to'g'risida"gi VI-103-104-7-0-K/24-son qaroriga o'zgartirish kiritish to'g'risida;
 - viloyat mahalliy budjetining qo'shimcha manbalaridan foydalanish to'g'risida.

Viloyat hokimi

E.TURDIMOV

2024-yil 15-oktabr



Saylovchilar

muddatidan oldin ovoz bermoqda

27-oktabr kuni o'tkaziladigan Oliy Majlis Qonunchilik palatasi va xalq deputatlari mahalliy Kengashlar deputatlari saylovida 16-oktabrdan muddatidan oldin ovoz berish jarayoni boshlandi. Muddatidan oldin ovoz berishni o'tkazish uchun viloyatimizdagi 1130 ta saylov uchastkasiga saylovchilar umumiy sonining 10 foizi miqdorida saylov bulletinlari yetkazib berilgan.

Saylov kodeksiga ko'ra, saylov kuni o'z yashash joyida bo'lish imkoniyatiga ega bo'lmagan saylovchi muddatidan oldin ovoz berish huquqiga ega. Buning uchun saylovchi saylov kunida bo'la

olmasligining sabablari ko'rsatilgan ariza asosida tegishli uchastka saylov komissiyasiga murojaat qilishi lozim. Samarqand tumani Oqmachit mahallasida yashovchi Islom Narziqulov 27-oktabr

kuni safarda bo'lishi sababli 865-saylov uchastkasiga kelib, o'z fuqarolik huquqidan foydalangan holda o'zi tanlagan siyosiy partiya va deputatlikka nomzodlarga muddatidan oldin ovoz berdi.

Saylov kuni yashash joyimda bo'lmasligim tufayli bugun saylov uchastkasiga kelib, o'z fuqarolik huquqimdan foydalandim, — deydi K.Mansurova. — Shu paytgacha bizning hududda kimlar deputatlikka nomzodligi, ularning dasturlarida nima maqsadlar borligini bilib oldim. O'zim munosib deb

bilgan partiya va nomzodlarga muddatidan oldin ovoz berdim.

Mazkur saylov uchastkasida Oqmachit mahallasida yashovchi 2500 dan ortiq saylovchi ro'yxatga olingan.

Hozirda mahalladagi xonadonlarning har biridagi saylovchilar soniga aniqlik kiritilib, ro'yxat takomillashtirilmogda, — deydi 865-uchastka saylov komissiyasi raisi Anvar Zohidov. — Hozirda uchastkada ovoz berishni o'tkazish uchun barcha sharoit yaratilgan. Zarur jihoz va texnik vositalar, saylovga oid qonun hujjatlari va

ma'lumotnomalar bilan ta'minlanganmiz. Bugundan boshlangan muddatidan oldin ovoz berishni o'tkazish uchun saylov bulletinlari, konvert va boshqa vositalarni olganmiz.

Markaziy saylov komissiyasining qaroriga ko'ra, joriy yilgi saylovda muddatidan oldin ovoz berish 2024-yil 16-23-oktabr kunlari soat 9:00 dan 18:00 ga qadar, dam olish kunlari esa soat 11:00 dan 17:00 ga qadar o'tkaziladi.

Viloyat hududiy saylov komissiyasi matbuot markazi.

Viloyat tadbirkorlar jamoatchilik maslahat kengashi a'zolarining navbatdagi uchrashuvi Zarmed universitetida bo'lib o'tdi.

Odatda kengashning bunday tadbirlari tadbirkorlik subyektlarida tashkil etilib, asosan, ishbilarmonlikni rivojlantirish masalalari muhokama qilinib, a'zolar bir-biri bilan tajriba almashardi. Bu gal esa mutaxassislar tayyorlash, ilm va amaliyotni uyg'unlashtirish, ishlab chiqarish va xizmat ko'rsatish tarmoqlarida ilmiy yangilik va ishlanmalarni joriy etish masalalari muhokama etildi. Shu bois kengash yig'ilishiga viloyatdagi oliy ta'lim muassasalari rahbarlari, iqtisodchilar ham taklif etildi.

Rektor va prorektorlar o'zlari boshchilik qilayotgan muassasada keyingi yillarda yaratilgan innovatsion ishlanmalar, ilmiy loyihalar haqida ma'lumot berdi. Yangi loyihalarning afzalliklari, muhimi, odamlar uchun qulayligi va tadbirkorga daromad keltirishi aniq misollar bilan tushuntirildi.

Samarqand davlat tibbiyot universiteti rektori

Tadbirkorlar oliy ta'lim muassasalari bilan hamkorlik qiladi

Janur Rizayevning ta'kidlashicha, universitetda shu paytgacha 27 ta loyiha ishlab chiqilgan. Hozirda 4 ta innovatsion loyiha tasdiqlash bosqichida bo'lsa, 5 ta startap va 5 ta tijoratlashtirilgan loyiha mavjud.

Ilmiy ishlanma va loyihalarimiz bugungi kun talabidan kelib chiqib tayyorlanayotgani bois 11 ta loyihamiz moliyalashtirildi, — dedi J.Rizayev. — Ayni paytda yana o'n ta yangi dori vositasi bo'yicha ilmiy izlanishlar olib borilmoqda. Ular ham muvaffaqiyatli amalga oshirilishiga ishonamiz. Umuman, bu kabi loyihalar universitet uchun, tadqiqotchi uchun manfaat keltiradi. O'z navbatida uni ishlab chiqarish jarayonida qo'llagan tadbirkor, korxonalar ham foyda ko'rishi tabiiy. Shu sababli kelgusida ilmiy tadqiqot faoliyatini yanada kengaytirishni rejalashtirganmiz. Bu borada tadbirkorlik subyektlari bilan hamkorlik qilishga ham tayyormiz.

Uchrashuvda ishtirok etgan viloyat hokimi Erkinjon

Turdimov ilm va biznes vakillari o'rtasidagi hamkorlikni rivojlantirishdan ikki tomon bilan birga jamiyat, davlat ham manfaat ko'rinishi ta'kidladi.

Davlatimiz rahbari bezib ilm-fanga bunchalik katta e'tibor qaratmayapti, — dedi E.Turdimov. — Bugungi shiddatkor zamonda bilimga asoslangan iqtisodiyot orqali mamlakat taraqqiyotiga erishish, xalqaro miqyosda raqobatbardosh bo'lish mumkin. Yaratilayotgan ilmiy ishlanmalar, tadqiqotlar amaliyot bilan uzviy bog'liq bo'lishi kerak. Shu bilan birga, bugun tadbirkorlik sohasida ham ilmiy mutaxassislarning o'rni oshib borayotganini unutmaslik lozim.

Viloyat hokimi tadbirkorlar maslahat kengashining bu kabi uchrashuv va yig'ilishlarini bundan buyon oliy ta'lim muassasalarida ham olimlar va yosh tadqiqotchilar ishtirokida o'tkazishni taklif qildi. Bu tashabbus kengash a'zolari tomonidan qo'llab-quvvatlandi.

Qadimiy shaharning zamonaviy qiyofasi

18-oktabr —
Samarqand shahri kuni

Shu yilning avgust oyida "Sharq taronalari" xalqaro musiqa festivalida qatnashish uchun Samarqandga kelgan ozarbayjonlik san'atkorlardan biri 2017-yilda o'n birinchi festivalda ishtirok etgani va o'tgan yetti yil davomida shahar tanib bo'lmas darajada o'zgarib, yana ham ko'rkamlashganini hayrat bilan aytgandi. Faqat u emas, avvallari Samarqandda bo'lgan boshqa mehmonlardan ham qadimiy kentdagi bunyodkorlik ishlari, o'zgarishlar e'tirofini eshitgandik.

Bir necha yildan buyon Germaniyada yashayotgan do'stimiz esa yaqinda Samarqandga kelib, Qorasuvda zamonaviy shaharcha, eshkak eshish kanali atrofida xalqaro turistik markaz yaratilgani, yangi yo'llar, ko'priklar qurilganini ko'rib, shaharni tanii olmaganini aytganda kulib qo'ygandik.

O'yab ko'rsak, chindan ham keyingi yillarda yurtimizda, jumladan, Samarqandda kechayotgan qurilish-bunyodkorlik ishlarining ko'lami shunchalik kengayib boryaptiki, bir muddat ko'rmagan joyimiz qisqa vaqt ichida o'zgarib, yangicha ko'rinishga kirmogda.

Ayniqsa, Samarqand eshkak eshish kanali atrofida butunlay yangi maskan — Xalqaro turizm markazi bunyod etilgani, Qorasuv massivida yuz ming aholi yashaydigan yangi shaharcha paydo bo'lgani, Samarqand xalqaro aeroporti rekonstruksiya qilingani, yo'llar, ko'priklar qurilgani va bu ishlar davom etayotgani bunyodkorlik ishlari shiddati va ko'lami kengligidan dalolat beradi.

Samarqand shahar hokimligining ma'lumotlariga ko'ra, joriy yilgi investitsiya dasturi asosida shaharda umumiy qiymati 268 milliard 840 million so'mlik qurilish va rekonstruksiya ishlarini amalga oshirish rejalashtirilgan.

Bu mablag'ning salmoqli qismi sog'liqni saqlash obyektlari, maktabgacha ta'lim tashkilotlari va maktablar, sport, madaniyat va san'at maskanlari qurish va rekonstruksiya qilish ishlariga sarflanadi, — deydi Samarqand shahar hokimi Fazliddin Umarov. — Jumladan, ayni paytda shaharning yangi aholi maskani hisoblangan Qorasuv massivida tug'ruqxona va 1860 o'rinli maktab qurilmogda. Bundan tashqari, o'ndan ortiq maktab va bog'cha, tibbiyot muassasalari rekonstruksiya qilindi. Aholining uy-joyga bo'lgan talabini qondirish maqsadida bu yil 5973 xonadonli 63 ta



ko'p qavatli uy-joy bunyod etilmogda. Ularning aksariyatida qurilish ishlari yakuniga yetmogda.

Abu Dabi taraqqiyot jamg'armasining 300 million dollarlik kredit mablag'i hisobidan Amir Temur va Gagarin ko'chalari rekonstruksiya qilinib, kengaytirildi, piyodalar yo'laklari qurildi. Gagarin va Mirzo Ulug'bek ko'chalari kesishmasida umumiy uzunligi 440 metr, inshoot uzunligi 44 metr bo'lgan tunnel bunyod etildi. Ayni paytda Gagarin va Rudakiy ko'chalari kesishmasida yana bir shunday tunnel qurilishi davom etmogda.

Ushbu mablag' hisobidan shuningdek, shahardagi 15,8 kilometr ichimlik suv tarmoqlari yangilanmogda, Cho'ponota va Dahbed suv inshooti hamda 6 ta nasos stansiyasi rekonstruksi-

ya qilinyapti. Davlat dasturlari doirasida bu yil yana 105 kilometr ichimlik suvi tarmoqlari yangilandi.

Dasturlardan tashqari, shahar hududida jismoniy va yuridik shaxslar tomonidan 60 dan ortiq savdo va maishiy xizmat ko'rsatish markazlari, 43 ta mehmonxona, 11 ta xususiy tibbiyot markazi, 7 ta sport majmuasi, 5 ta bir va ko'p qavatli avtoturargoh va yana o'nlab avtomobillarni zaryadlash shoxobchalari qurilishi ishlari davom etmogda va ular ham yil yakuniga qadar foydalanishga topshiriladi.

Shaharda aholiga jamoat transporti xizmati ko'rsatishni yaxshilash, avtomobillar tirbandliklarining oldini olish maqsadida shaharga kirish joylarida zamonaviy boshbekatlar qurilmogda. Xususan, Cho'ponota tepaligi hududida, M-37 avtomobil yo'li bo'yida qurilayotgan xalqaro avtovokzalidan shahar va tumanlar bilan birga respublikamizning boshqa hududlari hamda qo'shni davlatlarga ham avtobuslar qatnovi yo'lga qo'yiladi. Bu yerda kuniga 15 ming yo'lovchiga xizmat ko'rsatish imkoniyati yaratilmogda.

O'tgan yil Samarqandga Yevropa tiklanish va taraqqiyot banki krediti asosida 6 ta elektrobus keltirilib, shahar yo'nalishlarida aholiga xizmat ko'rsatish yo'lga qo'yilgan edi. Yil yakuniga qadar elektrobuslar sonini 100 taga yetkazish rejalashtirilgan. Shu maqsadda ayni paytda elektrobus saroyi qurish va ularni quvvatlantirish qurilmalarini o'rnatish ishlari davom etmogda.

Keyingi yillarda shahar hududidan o'tgan Obi Rahmat, Siyob, Chashma ariqlarini tozalash va ular atrofini obod qilish borasida ham keng ko'lamli ishlar amalga oshirilmogda. Viloyat hokimligi tashabbusi bilan olib borilayotgan obodonlashtirish ishlarida mahalliy aholi, tadbirkorlar faol ishtirok etmogda.

Shaharning Kimyogarlari, Farhod, So'lim qo'rg'onlari, Sartepa va Sug'diyona massivlarida olib borilgan qurilish-obodonlashtirish ishlari natijasida bu maskanlar ham yanada obod bo'ldi.

Umuman, bugun azim kentning barcha mahallalari, ko'cha va xiyobonlari uning tarixiy ulug'ligiga mos, zamonaviy ko'rinishga ega bo'lib bormogdiki, bu barchamizga faxr va g'urur bag'ishlaydi.

17-OKTABRdan
1 USD — 12 777,06 so'm (–16,97),
1 EUR — 13 920,61 so'm (–40,42),
1 RUB — 131,44 so'm (–0,43)
etib belgilandi.



Bugun havo o'zgaruvchan bo'lib, yogingarchilik bo'lmaydi. Harorat kechasi 3-8 daraja iliq, ba'zi hududlarda 0-1 daraja sovug' kuzatiladi, kunduzi 13-18 daraja iliq bo'ladi. 18-20-oktabr kunlari ham yogingarchilik kuzatilmaydi. Kechasi 3-12 darajagacha iliq, kunduzi 17-28 darajagacha issiq havo hukmronlik qiladi.

Samarqand gidrometeorologiya boshqarmasi.

